

Gutxienezko soldata % 2,3 igotzea erabaki du Cressonek

BAIONA

Ez zuen Cressonek hautu erraza. Alde batetik, gutxienezko soldata gehiegi igotzeak lan eskaintzaren murrizketa ekar zezakeen, bestetik lan mundua aski uzkur dabil eta gutxienezko saria prezioen igoerarekin ez parekatzeak, lan munduaren haserre bizia sortuko zukeen. Orain arte hartu erabakiak zuhurtasunaren ildotik abiatzen baziren ere, Cressonek langileen konfidantza atxiki nahi izan du, batez ere datorren urteko hauteskundeei begira, eta espero zen % 1,7an soilki gehitu ordez, Rocardek iragarri zuen egitasmoa betetzea erabaki du, beraz, gutxienezko soldata % 2,3 igoko da.

Aipatu igoera astezkenean Matignonen egin zen ministroen bilkuran onetsi zuten. «Ezin dezakegu esan SMICaren gehitzeak gazteen langabezian eragina duenik» esan du Lan Sailak, «gazteen % 75ak soldata aski apala du, eta estatuen laguntza beharrezkoa izaten zaie, edo askoz gehiago irabazten dute goi mailako ikasketak dituztelako. Hilero 33 edo 35 libera gehiago ordaintzeak ez ditu ugazabak gibelaraziko, gazteak lantegian sartzeko orduan».

Ekainaren 8an gobernu, patronala eta sindikatuek, CGTa ezik, soldata apalak igotzeko erabakia hartu zuten. Azken honek, gaur egungo 5.510 liberen ordez 7.000 liberako SMICa aldarrikatzen zuen eta hainbat greba eta ekimen iragarri zituen.

UGT eta PP ados Gobernuaren konpetitibitate paktuaren aurka

MADRIL

Jose Maria Aznar PPko lehendakaria eta Nicolas Redondo UGTko idazkari nagusia elkartu egin ziren zentral sindikalaren egoitzan konpetitibitate paktuaz iritzia azaltzeko. Redondok defendatu zituen Gobernu eta enpresariekin akordio «apalagoak eta etengabeak» alor zehatzetan. Paktu hirukoitza eta globala baztertu egin zuen. Gobernuaren metodoa ez dela egokia esan zuten bi delegazioek. Jose Maria Cuevas CEOeko lehendakariak UGT eta CCOOri bilera bana eskatu zien eskutitzez. Enpresarien erakundeak onartutako dokumentua aurkeztu nahi die. Patronala EAJ, CDS, IU, PP eta CiUekin ere elkartuko da bere iritzia azaltzeko.

Felipe Gonzalezek politikoki ez zimurtzea eskatu zion PSOERI

Carlos Navarrok deklarazio sekretua aurkeztuko datorren astean


Politikoki ez dadila zimurtu» eskatu zion Felipe Gonzalezek PSOERI exekutibaren bileran. **Gizartearen aurrean jarrera sendoa azaldu behar duela azpimarratu zuen. Finantz egoeraz gain, sozialisten politika orokorrera zabaldu zuen bere solasaldia. Alfonso Guerraren hitzak ildo beretik joan ziren.**

JOXEMI SAIKAR / DONOSTIA

Carlos Navarro diputatu sozialistak deklarazio sekretua emango dio datorren astean Kongresuko Diputatuen Estatutuko Batzordeari bere ondasun pertsonala eta ordaindutako aktibitatez, berak hala eskatuta, Alvaro Cuesta sozialistak, batzorde horren lehendakaria, esan zuenez.

Navarro talde sozialistako diruzaina zen osteguna arte. Agerpena eskatu du batzorde horren aurrean PSOE ustez irregularki finantzatu zuten zenbait enpresarekin erlazionatu ondoren. Cuestak esan zuen datorren asterako bilera baterako deia egingo duela batzordean Navaroren agerpena dela eta, eta dokumentazio hori emango duela, berak hala eskatuta.

Izquierda Unidak eta Talde Mistoak Navaroren ondasun deklarazioa ezagutzeko egindako eskaeraz, bere ekinbidea baino lehen, Cuestak esan zuen dokumentua «Batzordearen lanetarako beharrezkoa baldin bada» bakarrik eska daitekeela. «Or-



Osteguneko Exekutiba Federal sozialistaren bilera.

EFE

duan lanik ez zegoenez, ez zegoen ezer tramitatzeko» esan zuen Batzordeko lehendakariak. Orain dokumentazioa ematea posible da berak eskatu duelako. Ondasun deklarazio horrekin IUk eta Talde Mistoak frogatu nahi dute Carlos Navarrok orain PSOEn finantzaketan irregulartasunak leporatzen zaizkien Flesa eta Time Export enprekin irizpideak deklaratu zuen ala ez.

CONZALEZEN AZALPENEN ZAIN

Gizarte espainiarak «espero du» Felipe Gonzalez PSOeko idazkari orokorrak azalpenak ematea bere alderdiaren finantzaketaz, Jose Maria Aznar PPko lehendakariak esan zuenez. Gonzalezek ez du «burua hegoaren azpian ezkutatu behar».

Rodrigo Rato Kongresuko talde popularreko bozeramaleak PSOERI leporatu zion gehiengo parlamentarioaz abusatzea, bere alderdiaren ustezko finantzaketa irregularren ikerketa ekinbide guztiak blokeatzeko. PSOE «Flesa kasuari» eta «Naseiro kasuari» emandako tratamendu desberdinak azaldu zituen Rato. Fiskalak ez duela bi alderdientzako neurri bera erabiltzen esan zuen eta asistentzia letraturik gabeko atxilotak non dauden galdetu zuen, Rosendo Naseiro PPko diruzain ohia eta Rafael Palop PPko Valencian zinegotzi ohia aipatu.

Felipe Gonzalezen azalpen publikoa falta zela esan zuen PPko bozeramaleak ikerketa batzorde parlamentarioa eta barne txosten batekin batera, Alberto Ruiz Gallardonek

«Naseiro kasuan» idatzi zuenaren antzekoa. Kasu horretan bere alderdiari «saio bat» leporatu ziotela esan zuen eta ez PSOEn «enpresa sare bat» txorimaloek kontrolatuta eta luzaro iraun duena seguraski.

PSOE prentsan argitaratu diren informazioak ez ukatzeak, bitarteko lan hori onartzea suposatzen duela dio PPk. Norbaitek txorimaloak erabiltzen dituenen, bere ondasunak ez ezagutzea nahi duelako da, PPko buruzagiaren iritziz. «Azaldu beharko litzateke nola den posible PSOE iritzi publikoari ezkutatu nahi izatea bere ondasunak, bestalde ondasun horiek finantzaketa eta fondo erabat gardenen bidez lortuko zituztela ziur gaude» adierazi zuen Rato.

«IRUDI OPERAZIO SINESTEZINA»

IUko lehendakariak esan zuen Navaroren dimisioa eta Galeoterren erreleboa «sinesgarritasunik gabeko irudi operazioa» izan dela. Derrigorrezko dimisioak PSOEn finantz taldearen ardura onartzen duela esan nahi du IUren ustez.

Rafael Ribo Iniciativa per Catalunya (IC) lehendakariak esan zuen hartutako neurriak «motzak» direla eta «arazoa argitu gabe» uzten dutela. ICko ordezkariak Estatuko Fiskalia Nagusia zenbait txosten aurkeztu zituzten Flesa, Malesa eta Time Export enpresak eta PSOEn arteko harreman komertzialez. Barcelonako 27 zenbakiko Instrukzio Epaitegiak Tribunal Gorenara pasa zion AINCO elkarte kataluniarrek PSOEn finantzaketa irregularraz aurkeztutako salaketa.

Frantzia eta Espainiako delegazioak elkartu ziren defentsaz hitzegiteko

MONTIGNAC

Espainiak eta Frantziak hamai-kagarren ministro mintegia hasi zuten atzo Montignac-en, Luxemburg Gobernu edo Estatuburu komunitarioen gailurrerako astebete baino gutxiago falta denean. Europa Mendebaleko Batasunako (UEO) Defentsa eta Kanpo Arazoetarako titularren bilerak eragina izango du baita ere mintegian, baina gai nagusiak defentsa eta Europaren segurtasuna izango dira. Kartera bereko ministroen arteko bilerez gain, Defentsa eta Kanpo Arazoetarako ministroen arteko bilera «gurutzuak» izango dira mintegian.

Madril eta Parisen arteko gatazkarik ez dagoela esan arren, bi estatuetako iturri diplomatikoez, gai «sentsible» batzuk badira: arrantza eta erregioen arteko kooperazio akordioak adibidez. Tratamendu berezia merezi dute ministroen aldetik.

Batasun politiko eta monetarioaren konferentzia intergubernamentalak ere eztabaidatuko dira Montig-


naceko mintegian. Iturri diplomatiko frantziarrek gogoratu zuten espainiarren kezka: merkatu bakarrak Espainiak Brussetatik jasotzen dituen egitura fondoak gehiago murriztuko dituela, batez ere garapen erregionalerako.

KOOPERAZIO POLIZIALA ETA IMMIGRAZIOA

Kooperazio poliziala eta immigrazioarekin loturiko arazoak izango dira Barne ministroen bilerako gai nagusiak, batez ere Espainian Schengen-eko akordioekin ados agertu eta laster talde horretan sartuko delako.

Kooperazio erregionalak arazo juridiko gehiago planteatzen ditu Frantziar Espainian baino. Marko legal egokia bilatzen saiatuko dira, kolaborazio akordioak ezartzeko Pirinioen bi aldeetan. Defentsa ministroek NATOko ekintza azkarreko indarren gaia ere sar zezaketen beraien arteko eztabaidetan.

Espainiatik Francisco Fernandez Ordoñez Kanpo Arazoetarako ministroa, Julian Garcia Vargas Defen-



Philippe Marchand.

REUTER

tsa ministroa, Jose Luis Corcuera Barne ministroa, Pedro Solbes Nekazaritza ministroa eta Carlos Westendorp EEErako Estatu idazkaria izan ziren. Frantziatik, berriz, Roland Dumas Kanpo Arazoetarako ministroa, Pierre Joxe Barne ministroa, Philippe Marchand Barne ministroa, Louis Mermaz Nekazaritza eta Basoen ministroa, Elisabeth Guigou Gai Europarretarako ministroa eta Jacques Mellick Defentsa Estatu idazkaria izan ziren.

Espainiako Gobernuak Schengeneko taldean sartzea onartu zuen

MADRIL

Espainiako Ministro Kontseiluak Schengen-eko Komenioan sartzea onetsi egin zuen atzoko bileran, muga eta aduana kontrolak kentzeko Europako zenbait estaturen artean. Felipe Gonzalezek presiditu zuen bilera eta bere Gabineteko ministro guztiak izan ziren Josep Borrell Herrilari eta Garraiotako ministroa ezik, Luxemburg zegoelako Europar Elkarteko Ministroen Kontseiluan. Holanda, Belgika, Luxemburg, Alemania, Italia eta Frantziak sinatu dute Schengeneko Akordioa. Hilaren 25ean Carlos Westendorp EEErako Estatu idazkariak sinatuko du Bonnen.